

Х ө ө ч н р, ү к р ч н р б о л х м н

Сар, джил ирвас колхозмудин, совхозмудин көдлмшт багъчуд икәр орлцдж йовцхана. Багъчуд эрдм-сультуль дасад, механизатормуд, шофермүд, агроном, зоотехник нань чигн олн зүсн күндтә көдлмшт көдлцхәнә. Көдлмш күнд, зовлнъта гидж эдн хооран гархш, көдлмшт уха седклән өгч көдләд сән үлгүр үзүлджәцхәнә.

Колхозмудин, совхозмудин мал үвлзүлгән ик чинртә төр. Дакад эн

джилин үвл кииттә хату үвл болджана. Тер учрар мал асрлгънд сән хәләц, шунмгъа сән көдләчнр кергтә болдгиг тоолад «Красносельский» совхозин багъчуд мал үвзүлх көдлмшт олар гарцхаджана.

Үлгүрнъ, комсомольцир үүрмүд Нина Инджинова, Хулхач Эрдниев, Найта Бадмаев, Владимир Антонов, Раиса Верещагина нань чигн багъчуд мал өсклгәнә көдлмшт сән дурарн одцхав.

Үүрмүдиннъ нерн деерас үг келсн Нина Инджинова — мал таргън цагхлнъ, гару угагъар үвлзүлдж гаргългән ик чинртә көдлмш. Бидн чидлән әрвлл уга көдлнәвдн. Сән дамшлт авада оньдиндән хөөчнр, үкрчнр болдж көдлдг улс мадн дотрас олн гарх — гидж келв.

Эднә седвәр үлгүр болм седвәр, олн багъчуд эднәс үлгүр авч малин көдлмшт гархнъ лавта.

Н. БОДРОВ.